

錢氏考古錄目錄

卷十二

錢溫女 妙真 錢氏 陳景帝錢后 陳高祖錢后

陳高宗錢貴妃 汪華妻錢氏 唐玄宗妃錢妃

錢可復女 劉從德母錢氏 趙世準妻錢氏 楊節

之妻錢氏 柳開妻錢氏 蔣堂妻錢氏 范愿妻錢

氏 張堯封妻錢氏 孫永母錢氏 錢氏 李之邵

妻錢氏 趙宗默妻錢氏 趙世昌妻錢氏 趙世宗

妻錢氏 趙從古母錢氏 俞獻卿妻錢氏 劉渙妻

錢氏 張翊卿妻錢氏 張挺卿母錢氏 錢氏 張

宗古妻錢氏 沈述妻錢氏 劉美妻錢氏 句穎妻

錢氏 俞授妻錢氏 應通妻錢氏 王孝迪妻錢氏

傅理妻錢氏 石仲堅妻錢氏 錢氏 胡朝孫妻

錢氏 趙允迪妻錢氏 錢文子曾祖姑 美人錢氏

程俱曾祖母錢氏 鄭絳妻錢氏 曾幾妻錢氏

趙師異婦錢氏 錢氏二女 宋汝為妻錢英 楊禱

年妻錢氏 辛葉疾妾錢氏 莊文太子妃錢氏 劉豫

后錢氏 傅裕之妻錢氏 曹心均婦錢氏 劉祐妻

錢氏 趙與芮妻錢氏 趙善譽妻錢氏 趙伯述

妻錢氏 董道隆妣錢氏 錢氏 明英宗錢后 孫

孟恕妻錢氏 陳璋妻錢氏 張子麟妻錢氏 俞尙

聲妻錢氏 張羅彥妾錢氏 張振德妻錢氏 淑賢

錢氏考古錄卷十二

海甯錢保塘編

錢温女 晉中興書臨海公主惠帝弟四女羊皇后所生

封清河公主未出適值永嘉亂傳賣長城民錢温温送

女女遇主甚酷主自告吳興太守周札以聞於是殺温及

女女適譙國曹統 藝文類聚十六太平御覽一
百五十二 晉書賈后傳同

錢妙真 道學傳晉陵人錢妙真於茅山鸞口洞得道門人

立碑於茅山邵陵王為觀序今具存焉 太平御覽六
百六十六

老氏聖紀錢妙真晉陵人也幼而好道便欲離俗親族逼

以適人泣涕因免遂居大小二山茅山後往鸞口洞手栽

書并詩七章與陶隱居 同上

道學傳茅山燕口洞女冠錢妙真登壇處也 太平御覽六
百七十四

列仙傳錢妙真二姊妹依陶隱居誦黃庭經積功修行道
成入洞唐天寶中勅建宮名燕洞宮卽茅山燕洞也至今
有紫菖蒲碧桃花生焉

佩文韻府蒲韻引
此書名疑有誤

清波雜誌引茅山志梁普通中晉陵女子錢妙真年十九
辭親學道誦黃庭七年積四千言道成佩白練入洞洞門
自啟

錢氏 嘉泰會稽志七大善寺在府東二百一十步梁天監
三年民黃元寶捨地錢氏女未嫁而死遺言以奩中資建
寺僧澄貫主其役未期年而成賜名大善屋棟有題字云
天監三年歲次甲申十二月庚子朔八日丁未唐開元二
十六年改名開元後唐長興元年吳越武肅王別創今開

元乃復大善舊名

陳景帝錢后 羅隱錢氏大宗譜臨川王伯仁傳生一女曰

寶媛適同郡陳文讚即景帝也生子霸先是謂陳高祖武

皇帝追贈為臨川王寶媛以永定元年十月薨諡孝烈追

尊景皇后全唐文 按陳書高祖紀太平二年正月丁卯

元年十月辛巳追贈皇考曰景皇帝皇妣董太夫人曰安

皇后而不及錢后亦無是月錢后薨諡之文疑譜因高祖

陳高祖錢后 陳書高祖紀永定元年十月辛巳追諡前夫

人錢氏為昭皇后癸未尊昭皇后陵曰嘉陵依梁初園陵

故事 高祖章后傳高祖先娶同郡錢仲方女早卒後乃

聘后南史 均同

嘉靖長興志陳嘉陵在縣北五里

陳高宗錢貴妃

陳書高宗紀柳后傳高宗居鄉里先娶吳

興錢氏女及卽位拜爲貴妃甚有寵后傾心下之每尙方供奉之物其上者皆推於貴妃而已御其次焉高宗諸

王傳錢貴妃生河東王叔獻

南史均同

汪華妻錢氏

羅願新安志汪華夫人錢氏唐左武衛大將

軍九隴之女乾道五年追封靈惠夫人

江宜春思豫述略宋乾道中封汪華信順顯靈英濟廣惠王夫人錢氏追封靈惠夫人王八子羅鄂州言自歛及杭陸間往往祀所謂汪九郎者云王之幼子錢氏夫人所出是也

唐玄宗錢妃 新唐書玄宗諸子傳錢妃生瑛

錢可復女 新唐書鄭注傳可復將死女年十四爲祈免女
曰殺我父何面目以生抱可復求死亦斬之

劉從德母錢氏 宋史外戚劉從德傳從德母越國夫人錢
氏兄惟演子集賢校理暖遷二官

趙世準妻錢氏 歐陽居士集三十七右監門衛將軍夫人
金堂縣君錢氏墓誌銘夫人姓錢氏餘杭人也曾祖吳越
忠懿王俶祖衛州防禦使惟渲父文思副使象輿錢氏自
五代以來尊中國效臣順世稱其忠子孫蕃昌至今不衰
夫人生於盛族孝謹勤儉性巧慧喜字書年十有四以選
爲右監門衛將軍世準之配封金堂縣君嘉祐二年九月

庚子以疾卒享年二十有八子男二人令穉令烜皆太子
右內率府副早亡女三人皆尙幼以嘉祐五年十月乙酉
葬於永安之原銘曰生宜其室歿安其藏銘昭其味以永
不忘

楊節之妻錢氏 晁補之右通直郎楊節之誌銘娶錢氏丞
相文僖公惟演之孫女殿中丞曄之女封樂壽縣君有淑
德善相舅姑宜其家

柳開妻錢氏 倦游雜錄柳開知潤州有監兵錢供奉者亦
忠懿之近屬也乃父方奉朝請在京師開乘間來謁造其
書閣見壁有繪婦人像甚美酷問誰氏監兵對曰某之女
弟也旣笄矣柳喜曰開喪偶已踰期願取爲繼室錢曰俟

白家君敢議姻事柳曰以開之才學不辱於錢氏之門遂
強委禽焉不旬日而遂成禮錢不之敢拒走介白其父乞
上殿面訴柳開劫取臣女仁宗問曰卿識柳開否曰不識
上曰真奇傑之士也卿家可謂得嘉婿矣吾爲卿媒可乎
錢父不敢再言但拜謝而退

事實類苑七

墨客揮犀四

州

蔣堂妻錢氏 胡文恭集三十九蔣堂誌娶錢氏封壽昌縣
君先庚辰十三年而亡後舉以合葬焉

范愿妻錢氏 蘇頌故內殿崇班范愿妻錢氏可封永甯縣
君制詞略云某官某氏良家之子能臣之妻屬乃夫之戍
邊由捍寇而畢命爰推殊渥俾逮厥家云云

蘇魏公集三十四

張堯封妻錢氏 宋史張貴妃傳張貴妃河南永始人父堯封卒時堯封兄堯佐補蜀官堯封妻錢氏求挈孤幼隨之官堯佐不收恤以道遠辭妃幼無依錢氏遂納于章惠皇后宮寢

續通鑑長編張堯封母錢氏女也張氏時八歲與姊妹三

人錢氏入宮寢錢大昕曰是錢氏乃堯封母非堯封妻傳誤以爲一人

孫永母錢氏 蘇頌孫永神道碑銘嘉祐二年御史中丞賈

公薦公文中御史詔且下矣以母錢塘郡太夫人錢氏高

年不當任言責力辭不拜蘇魏公集五十三

錢氏 鄭樵集紹興十八年馮丞元肅重修木蘭陂記云集

三百六十澗總而爲一斷夫川之流析而爲二興木蘭之

役者長樂錢氏女用十萬緡成之

王圻續通攷元仁宗時福州總管張仲儀建錢聖妃廟錢氏捐十萬緡創木蘭陂以護田救民陂垂成而敗錢氏投水死

讀史方輿紀要興化府木蘭溪在府南七里木蘭山下長樂錢氏媪築坡於將軍灘前開渠循縣南十五里鼓角山而南甫成而壞

莆田縣志木蘭陂宋治平元年長樂錢氏室女傾資築坡士女立廟崇祀

李之邵妻錢氏蘇頌錢彥遠碑三女長壻奉議郎李之邵次卽升卿今爲朝請郎知泰州幼西京軍巡判官沈述

趙宗默妻錢氏 王珪華陽集三十九宗室宗默誌娶錢氏

吳興郡君柔明知禮以宜其家

趙世昌妻錢氏 宋祁皇姪孫右 府率夫人錢氏墓誌

銘夫人姓錢氏系出彭城曾祖諱延正以武力奮爲左金
吾衛將軍祖諱守榮以謹敏進終內園使考諱允德材裕
世濟止內殿崇班慶祥下鍾爲令男爲賢女果不誣已惟
夫人生而恂淑幼而純靜德容充裕內親黨間挂之善女
工剪製之事頗留心毫翰洞曉音律繇門閥之懿預藩房
之選景祐丙子仲秋歸於率府世昌卽吳懿王之曾孫也
入對中禁錫以冠帔以藩戚信厚而永其輔佐以族系高
顯而承其祭祀家道甚肥閨範甚修使率府有令譽綽綽

公族間抑夫人之助歟慶歷元年十二月十三日感疾而
終一男曰令襄太子右率府副率在涪灘孟夏癸卯葬于
河南府永安塋禮也嗚呼夫人始于髫稚忘慢戲之容逮
于笄總致雍和之美歸於邸第杜驕盈之色以夫人之淑
範不可以不識是以追琢介石納諸壙云銘曰於穆夫人
令儀溫溫嬪于密戚生此德門履道以謙處貴以約遠歎
藏舟靡聞勿藥楚挽酸咽虞歌涕洟脩短奄忽逝者如斯
崇岡美楨厚窆幽泉淑柔之譽垂厥永年

宋景文集六十八

王珪華陽集三十九宗室世昌誌娶錢氏

趙世宗妻錢氏 華陽集三十九世宗誌娶錢氏無子

趙世英妻錢氏 華陽集三十九世英誌繼室以錢氏封福

昌縣君

趙從古母錢氏 王珪華陽集四十宗室從古誌母曰西華

縣君錢氏

俞獻卿妻錢氏 劉敞公是集五十三俞獻卿誌夫人馮翊

縣君錢氏柔淑知禮是配是宜

劉渙妻錢氏 曾鞏壽安縣君錢氏墓誌銘劉凝之仕旣齟

齟退處廬山之陽初無一畝之宅一廬之田而凝之囂囂然樂若有餘者豈獨凝之能以義自勝哉亦其妻能安于理不戚戚于貧賤有以相之也凝之晚有宅于彭蠡之上有田于西澗之濱子進于朝廷薦于鄉閭凝之夫婦康甯壽考自肆于山川之間白髮皤然體不知駕乘之勞心不

知機獲之畏世人之所慕者無慊焉世人之有所不能及者獨得也其夫婦如此可不謂賢哉熙甯九年凝之年七十有七哭其妻之喪自爲狀次其妻之世出行事來乞銘予爲之因其言而識之曰夫人姓錢氏考內殿崇班穆祖考內殿使昭晟曾祖考宣德軍節度使同中書門下平章事偲高祖吳越文穆王元瓘夫人色莊氣仁言動不失繩墨居族人長幼親疏間盡其宜事夫能成其忠教子能成其孝是皆可傳者也夫人年七十有三卒于四月之庚子而葬于某歲某月某甲子葬在南康軍西城之某原初以凝之恩封壽光縣君再以子恕恩封壽安縣君有子曰恕秘書丞曰格鄉貢進士皆以文學顯于世女嫁進士徐彥

伯太子中允黃廉孫某某凝之名渙筠州某人今爲尙書
屯田員外郎致仕銘曰士不苟合安于賤貧其難其豫絲
媿有人維不終窶又壽以康有續孔辰旣庶而臧世迫而
求獨優于取世懦以處獨肆而有士也則然女實作輔老

則錢媛尙配于古

元豐
類稿

張翊妻錢氏

蘇頌彭城縣君錢氏墓誌銘元豐七年二月

揚州天長縣主簿充南京國子監教授張康伯昆弟旣終
其母彭城縣君錢氏之喪以尊公前利州轉運判官通直
君之命舉葬於江都縣東興鄉馮家原先塋之右域卜用
明年正月己酉襄事吉出其叔舅右司郎中穆甫狀邀銘
於所知予與張氏世姻也而通家有舊故誅行載筆得其

詳焉夫人系出錢塘以曾祖吳越國王諱侔始葬會稽子孫遂占名數於彼祖諱易翰林學士累贈太尉考諱彥遠起居舍人知諫院贈工部尙書母濟陽縣太君丁氏故相晉公之孫女也初夫人之姑真甯縣太君旣歸張氏爲太常博士集賢校理諱宗古之配不幸集賢早世尙書念女兄之嫠居故以夫人許嫁其中子升卿公翊卽通直君也將有行尙書誡之曰爾姑吾之同產爾往事之如母而恭勤有加焉可也於時士大夫家稱錢張之睦加於人一等矣夫人資素敏慧不類常女其就傅也自垂髻迨笄總習組紉隸文史至於筆札書記之事過目則善焉故二親奇而愛之其執笄也每念衿禕之戒不以親貴自別酒醴饋

食皆有節適服勤左右幾二十年始卒無異故皇姑安而稱之其主饋也內肅閨門外奉賓祭方其初官資薄躬率節儉以周其乏無少嫌者又爲收恤族中孤女教養賙給歸之士人人稱其孝而慈也其教子也手繕經籍而授大義漸磨誘導至於成人故諸子游場屋取世科薦舉學官召試中選皆逮見之時論以謂後必有顯於世者其治已也內恕而外通平生未嘗有疾言大色始通直君職監司進擢甚寵一日坐論事同其使者奪官罷免命下甚遽初無知者眾駭異不知所圖而夫人處之晏然惟趣左右辦嚴卽日就道浮江湖崎嶇數千里還維揚寓舍輯儲峙爲久安計與夫子絕甘分少如是五六年內外不謂其爲遷

謫也夫人之材智明達大槩如此又以早失所怙盡孝於母氏常惋溫清不時惟其起居之間雖在千里必浹旬一置郵書平安信反然後遑處間或相遇飲食已惟談內典論性理相顧怡然他日偶被重病歸省餘杭以就醫診濟陽憂甚親爲和湯餌同卧起者累月夫人蹴踏不自安乃強起潔誠精禱於浮屠曰叢爾之軀死不足吝顧念一旦先沒必貽親累願稽延歲月以盡太夫人餘年則瞑目無憾矣已而果有瘳後幾年得濟陽疾報卽涕泣料家事一二飭誠若治命然因閱曹溪壇經忽若有省召家人輩語之曰是不堅體妄幻非實家人輩竊怪其語不類未幾訃至不敢遽白夫人曰吾母其往矣吾已發於夢寐矣而若

不以告何也及得書一慟而絕經昔方寤徐曰吾獲從吾
母遊志願畢矣雖勉力成服而漿溢遂絕於口中外之慰
問者一切謝遣如是五日嗒然而逝時四年二月初九日
也嗚呼不撓寵辱不怛物化蓋志學之士有所不逮者而
夫人履憂患不怵惕在困約如平居推理明分亦達識之
所能安也至若愛親以存生聞喪而毀性此非智勇果敢
之所能必至然所以能至之者豈純孝真哀之感自與天
均冥會耶是必有辨之者故悉言之夫人享年五十二彭
城之封從夫貴也子五人男四長卽康伯也次康孫秦州
司戶參軍次康道康廣女子一適其弟之子魯望張錢通
婚蓋三世矣銘曰美矣錢張古之潘楊載世姻睦婦順夫

良彭城之賢備有言德主饋執笄姊姒是式旣齊寵辱復
善生死昔以親存卒以親毀義盡母夫葬從舅姑銘此懿
行貽於女圖

張挺卿母錢氏 蘇魏公集五十八張挺卿墓誌銘斯立卒
之明年都官洎季弟稚卿及母夫人錢氏相繼殂喪

蘇魏公集六十三張挺卿妻蘇墓誌銘元豐八年春正月
集賢之孫天長縣主簿充南京國子監教授康伯昆弟將
葬其偏親彭城縣君錢夫人得吉卜矣又舉世母武功蘇
氏之柩同用其月己酉厝於斯立字挺卿之右方

錢氏 胡文恭集十九魏國大長公主親外孫女錢氏可封
壽安縣君制有云世素傳於帶礪言早服於箴圖

張宗古妻錢氏 錢彥遠姊見上蘇頌彭城縣君錢氏誌

沈述妻錢氏 錢彥遠女見蘇頌錢彥遠碑

劉美妻錢氏 東軒筆錄十五錢思公嫁女令銀匠龔美打
造裝篋器皿既而美拜官思公卽取美爲妹婿向所打造
器皿歸美家

句穎妻錢氏 李綱錢勰墓誌女四人長適朝奉大夫諸王
府侍讀句穎次適朝奉大夫通判大名府俞授次適朝請
大夫荆湖北路轉運判官應通次適端明殿左通奉大夫
提舉嵩山崇福宮王孝廸

俞授妻錢氏 見上

應通妻錢氏 見上

王孝廸妻錢氏見上

傅理妻錢氏 陸佃陶山集十四傅理誌夫人錢氏

石仲堅妻錢氏 晁補之錢禹卿墓誌女嫁進士石仲堅

錢氏 侯鯖錄南宮縣君錢氏詩云士悲秋色女懷春此語

由來未是真倘若有情相眷戀四時天氣總愁人

胡朝孫妻錢氏 楊時錢卽墓誌女適從政郎江甯府溧陽

縣丞胡朝孫

趙允廸妻錢氏 宋史宗室允廸傳居父喪不哀又嘗宮中

爲優戲爲妻昭國夫人錢氏所告制降右監門衛大將軍

絕朝謁錢氏亦度爲洞真道士

錢文子曾祖姑 周益公跋蕭臺詩永嘉錢君文子序其曾

祖姑蕭臺詩三卷刻版醴陵縣治復求跋語

美人錢氏 道鄉集十六美人錢氏追贈婕妤好制

程俱曾祖母錢氏 程瑀撰程俱行狀曾祖母彭城太君錢氏

鄭絳妻錢氏 程俱宋故尚書吏部員外郎鄭公安人錢氏

墓誌銘安人姓錢氏吳越武肅王之子曰廣陵王元璩爲

中吳軍節度使死葬吳因家焉其孫曰喆爲太子左贊善

大夫贈太常少卿有子曰中孚以集賢殿修撰爲梓州路

計度轉運使贈中散大夫中散之子曰承爲通州軍事判

官安人通州之仲女也年十八歸同鄉鄭公絳後仕至尚

書吏部員外郎封夫人桃源縣君改封安人靖康元年六

月二十一日以疾終於吳郡里第享年五十九男曰作肅
奉議郎前鎮江府府學教授曰作父從政郎光州定成縣
令曰知章蚤卒女七人亦皆蚤卒孫男曰烈曰勳曰然曰
熊曰照曰庶孫女三人以九月二十七日合葬安人於吏
部之墓實吳縣長州鄉龍館山之原前期以狀來求銘曰
安人秀悟父母早亡能自力女功事閒則學書誦詩歸鄭
氏時年尙幼皇姑太宜人吳氏御家嚴安人侍起居惟謹
無故未嘗去左右太宜人寢疾安人嘗藥餌不解衣者半
年宗族稱其孝吏部爲吏敏明馭黠吏如束濕持身廉安
人主中饋加重日市所應入不使有錙銖分寸贏餘家
素貧有不給未嘗以爲言蓋處之裕如也二子長就學安

人教督如嚴師吏部一意公家事少暇日往往從安人授
句讀後作肅登進士第作父預薦書皆好學自持安人之
訓爲多其治家要以勤儉爲本積累爲功其所經畫皆中
理門內事吏部未嘗知亦未嘗問也吏部赴官陝右時貧
不能具行裝友人適遇其姊京師持金幣遺之甚厚安人
不啟封謝其賜而歸之退而曰身受姊之賜固何以全吾
夫之廉二子寢長吏部爲求昏必於安人族黨曰庶幾耳
熟安人所爲以爲法後得安人一甥一姪昏焉安人戒之
曰室家之鬪率常生自婦人其念母訓謹婦事母以我故
怠吏部喪外除二子出仕安人每以吏部爲吏所施設者
教之內益整齊其家小大肅雍無敢慢日誦佛書有常課

已則蕭然危坐時以古詩授諸孫問閱圖書略知其大旨
不幸疾且革事皆有治命云是可銘銘曰婦罔攸遂惟生
有從無索而昌則翳其躬欲知其人勿視其它盍視其夫
其助伊何克成厥家盍視其子雖厚于仁而教以義懿實
則備允文而和有煒斯銘以永不磨

北山小集
三十二

曾幾妻錢氏 陸游曾幾誌知台州娶錢氏有郡酒官者夫
人族子也大爲奸利且恣橫患苦里閭公亟捕繫獄奏廢
爲民

趙師舜婦錢氏 齊東野語趙師舜從善死其子希蒼亦死
其婦錢氏惇處獨任一僕幹主家事有老僕知其私頗持
之錢氏與幹者欲滅其口遂以他事繫官竟斃於獄且擅

焚之未幾僕家聲其冤於憲臺時林介持憲節方振風采
遂逮錢氏於庭經營巨援僅爾獲免而幹者遂黥籍

錢氏二女 輿地紀勝信州錢氏二女紹興間苗傅潰兵過
邑下逼於亂投崖而死

宋汝爲妻錢氏 建炎以來繫年要錄初右奉議郎通判處
州宋汝爲渡海來歸敵以姓名來求遣汝爲時在紹興遁
去一子南強數歲與其妻錢氏皆爲有司所拘汝爲潛行
入青城山中以醫卜自給更姓名曰趙復

宋史宋汝爲傳紹興三十二年其妻錢英知汝爲死詣登
聞鼓院以狀進詔索之不得

楊樗年妻錢氏 京口耆舊傳楊樗年字茂良丹徒人娶吳

越錢氏少師曾孫忱之女忱命以官監行在草料場兩浙

轉運司幹官

忱命以下疑有脫誤

辛棄疾妾錢氏 書史辛棄疾有二妾一名田田一名錢錢

皆因其姓名之並善尺牘

莊文太子妃錢氏 建炎以來繫年要錄紹興二十九年二

月壬辰直龍圖閣提舉台州崇道觀錢端禮行太府少卿

時上爲右監門衛大將軍榮州刺史愔納婦選得端禮之

女故召還而有是命 三十年正月戊戌爲榮州刺史愔

納婦錢氏錢氏秦魯國大長公主曾孫也禮官言愔於顯

仁皇后無服紀故成婚

樓鑰錢端禮行狀女一人爲莊文太子妃

宋史莊文太子傳莊文太子諱愔孝宗嫡長子乾道元年立爲皇太子冊廣國夫人錢氏爲妃子挺錢氏所生也

錢端禮傳皇長子鄧王夫人端禮女也殿中侍御史唐堯封論端禮帝姻不可任執政不報鄧王夫人生子太上甚喜鄧王立爲太子端禮引嫌除資政殿大學士提舉德壽宮兼侍讀

劉豫后錢氏 建炎以來繫年要錄建元四年十月甲午劉豫立其妾錢氏爲皇后錢氏本宣政間宮人出爲民婢入豫家有寵託言吳越王後而立之

宋史逆臣劉豫傳冊其妾錢氏爲皇后錢氏宣和內人也習宮掖事豫欲有所取則故立之

金史劉豫傳妾錢氏爲皇后錢氏宣和內人也

曹溶劉豫事迹庚戌十月甲子冊妾錢氏爲皇后冊曰朕肇造區夏聿崇王化之基正位宮闈允賴坤儀之助是昭懿德協建丕圖敷告明廷誕揚顯冊咨爾錢氏性鍾婉靜德茂肅恭嬪於節制之初嘉爾宜家之美慶傳乃祖德及於民啟吳越之王封衝斗牛之瑞氣名家濟美遠於高密之門邦媛流芳益顯臨安之裔逮茲創業繫乃協心增厚人倫思繼關雎之化敬脩媯禮欣承長樂之歡宜正徽名式資內治禕衣禴翟遠稽周室之儀椒室蘭闈靡效漢家之侈蓋尊典禮匪徇私恩於戲惟守恭儉可以御純朴之民必務憂勤可以副勵精之意書稱媯汭匹虞舜以應圖

詩詠洽陽配周王以受命勉師令德永播徽音可立爲皇后仍命有司備禮冊命施行后錢氏宣和間爲御侍淵聖時出宮聘使臣張保義張爲賊擄錢從賊夫爲賊所殺賣身與豫爲針線婢宮廷中事豫皆取法於錢

傅裕之妻錢氏 朱子傳自得行狀祖裕之故任朝議大夫主管南京鴻慶宮濟源縣開國男食邑三百戶祖妣錢氏

封恭人

曹心均婦錢氏 揮塵二錄曹心均婦吳越錢族晚事曹頗

辦事

劉祐妻錢氏 葉適夫人錢氏墓誌銘同年劉使君與余素舊其守永嘉常減騎數支出支坐熟語良樂也一日忽愾然

灑涕而稱曰吾母臨海錢氏三王之孫也而以儒顯外妣
早喪祖曰家事惟女之任事益理矣然而舅若姨皆曰恩
我者姊也故爲女而孝吾父信書而已至生業則曰惟爾
母之德業益進矣然而伯叔姊妹各有承稟不自己出也
故爲婦而順諸子方攜抱所習經皆口授不以煩師其從
師質訊反復曰某善也某未善也師不敢慢子不敢惰賴
以有立故爲母智而明凡此略皆實行不敢增損云也不
幸以紹熙辛亥卒明年而葬於黃巖縣龍鳴山三十年矣
然而哀不止悲不釋何謂也吾母卒時壽八十矣兄允元
不及仕允廸定海丞弟允武吳江簿而允濟掌教婺州甚
哉年之高養之薄也今不肖孤忝母餘澤有蹟於朝假使

者節從二千石後而親不吾待矣一朝之榮聚茵也一餉
之祿稊米也於吾母不加毫末若夫宰木翳山雲興伏而
闕不以詔斯則罪之大者是故深慘懲痛而謁於子不知
泪之橫臆也余不識夫人而識其夫曰承務郎諱祐兼力
眾善篤學至老不以家自浼者也識允廸厚而敏識允武
果而通若使君信道執德終始不變則固余畏友矣異術
而同材異用而同方非毓其源而疏之曷至是夫人之賢
信矣夫蓋允元之記曰必求精於理邃於文者噫理本也
文末也余不精其本安邃其末銘曰葬也久銘始有德成
於允論定於後

水心集
二十三

題錢夫人碑陰銘初用允元壙

記已而使君謂余承務郎累贈朝請大夫錢氏積封太宜

人孫曰坡孫廸功郎溧水縣主簿彝孫朋孫稱孫思孫孫
女壻曰鄉貢進士黃芾承務郎鎮江府寄椿庫陳纘已卒
曰周幼學丘蒙正未嫁曰某曾孫男曾孫女皆三人蓋壻
記後事夫爵列之極孫曾之次有家者甚重而余文已就
不可復益矣異日刻盍附其陰水心集二十九

趙與芮妻錢氏 宋史理宗紀嘉熙四年十一月丙子與芮

妻錢氏封安康郡夫人 度宗紀嗣榮王夫人錢氏夢日

光照東室 烈宗十四年八月

趙善譽妻錢氏 樓攻媿集百二趙善譽誌娶錢氏僅再歲

而亡 樓攻媿集百二趙善譽誌娶錢氏僅再歲

趙伯述妻錢氏 樓攻媿集百二趙師龍誌父伯述前母錢

氏贈宣人

董道隆妣錢氏

魏鶴山集八十董道隆誌父臨朝請郎通

判池州贈中奉大夫妣錢氏封安人贈宜人

錢氏

樓攻媿集十四孺人錢氏挽詞五律一注云丞相之

女適曹氏

明英宗錢后

湧幢小品五慈懿皇太后錢氏英宗皇帝正

后也慈懿雖加二字爲重然特虛名耳於外家無所推恩

最初正位中宮父貴原金吾右衛指揮使加都督同知卒

後不聞贈諡長子欽僅嗣錦衣指揮使次子鍾正統十四

年從北狩俱死於難旣而鍾遺腹生雄遂以後欽世其官

天順元年陞都指揮使成化初晉後軍都督僉事尋轉同

知卒年三十賜寶楮萬緡諭祭營葬初英宗重念后族胤嗣單弱每欲胙雄茅土慈懿輒辭謝故終身不及封拜雄卒後憲宗念累朝外戚俱有封爵乃封雄子承宗爲安昌伯而周太后家封二伯尋晉侯恩禮隆厚百倍於錢及慈懿崩阨於周太后幾不得祔賴憲宗明聖大臣力爭得祔蓋嫡母雖尊比易代決不敢敵生母觀慈懿之云則仁聖得此已極崇重而陳氏亦云厚幸矣

仁聖神宗嫡母陳氏

十五英

宗以五月二十七立皇后錢氏皇后遂多病無所出又七年英宗北狩后在宮中伏地祝天晝夜不輟因而流濕折股又幽栖南宮者六年

明史后妃傳英宗孝莊皇后錢氏海州人正統七年立爲

后帝憫后族單微欲侯之后輒遜謝故后家獨無封英宗北狩傾中宮資佐迎駕夜哀泣顙天倦卽卧地損一股以哭泣復損一目英宗在南宮不自得后曲爲慰解后無子周貴妃有子立爲皇太子英宗大漸遺命曰錢皇后千秋萬歲後與朕同葬大學士李賢退而書之冊憲宗立上兩宮徽號下廷臣議大監夏時希貴妃意傳諭獨尊貴妃爲皇太后大學士李賢彭時力爭乃兩宮並尊而稱后爲慈懿皇太后及營裕陵賢時請爲三壙下廷議夏時復言不可事竟寢成化四年六月太后崩周太后不欲后合葬帝使夏時懷恩召大臣議彭時首對曰合葬裕陵主祔廟定禮也翼日帝召問時對如前帝曰朕豈不知慮他日妨母

后耳時曰皇上孝事兩宮聖德彰聞禮之所合孝之所歸也商輅亦言不祔葬損聖德劉定之曰孝從義不從命帝默然久之曰不從命尙得爲孝耶時力請合葬裕陵左而虛右以待周太后已復與大臣疏爭帝再下廷議吏部尙書李秉禮部尙書姚夔集廷臣九十九人議皆請如時言帝曰卿等言是顧朕屢請太后未得命乖禮非孝違親亦非孝明日詹事柯潛給事中魏元等上疏又明日夔等合疏上皆執議如初中旨猶諭別擇葬地於是百官伏哭文華門外帝命羣臣退眾叩頭不得旨不敢退自己至申乃得允眾呼萬歲出事詳時夔傳中是年七月上尊謚曰孝莊獻穆弘惠顯仁恭天欽聖睿皇后祔太廟九月合葬裕

陵異隧距英宗元堂數丈許中窆之虛右壙以待周太后其隧獨通而奉先殿祭亦不設后主弘治十七年周太后崩孝宗御便殿出裕陵圖示大學士劉健謝遷李東陽曰陵有二隧若者窆若者可通往來皆先朝內臣所為此未合禮昨見成化間彭時姚夔等章奏先朝大臣為國如此先帝亦不得已耳欽天監言通隧上干先帝陵堂恐動地脉朕已面折之窆則天地閉塞通則風氣流行健等因力贊帝復問祔廟禮健等言祔廟二后自唐始也祔三后自宋始也漢以前一帝一后曩者定議合祔孝莊太后居左今大行太皇太后居右且引唐宋故事為証臣等以此不敢復論帝曰二后已非況復三后遷曰宋祔二后一繼立

一生母也帝曰事須師古太皇太后鞠育朕躬朕豈敢忘
顧私情耳祖宗來一帝一后今並祔壞禮自朕始且奉先
殿祭皇祖特座一飯一匙而已夫孝穆皇太后朕生母也
別祀之奉慈殿今仁壽宮前殿稍寬朕欲奉太皇太后於
此他日奉孝穆皇太后於後歲時祭享如太廟於是命羣
臣詳議議上將建新廟欽天監奏年方有礙廷議請暫祀
周太后於奉慈殿稱孝肅太皇太后殿在奉先殿西帝以
祀孝穆至是中奉孝肅而徙孝穆居左焉帝始欲通隧亦
以陰陽家言不果行 英宗前紀正統七年五月戊寅立
皇后錢氏 憲宗紀天順八年三月甲寅朔尊皇后爲慈
懿皇太后成化四年六月甲寅慈懿皇太后崩 禮志英

宗皇后錢氏崩禮如舊惟屠宰止禁七日外國使臣免哭
臨 宣宗胡后傳天順六年孫太后崩錢皇后爲英宗言
后賢而無罪廢爲仙師其沒也人畏太后殮葬皆不如禮
因勸復其位號 英宗周后傳至錢太后台葬裕陵太后
殊難之憲宗委曲寬譬乃得請 柯潛傳慈懿太后之喪
潛與修撰羅環上章請合葬裕陵廷臣相繼爭未報潛曰
朝廷大事臣子大節舍是奚所用心與環皆再疏爭竟得
如禮 彭時傳憲宗卽位議上兩宮尊號中官夏時希周
貴妃旨言錢氏久病不當稱太后而貴妃帝所生母宜獨
上尊號賢曰遺詔已定何事多言時曰李公言是也朝廷
所以服天下在正綱常若不爾損聖德非小頃之中官復

傳貴妃旨子爲皇帝母當爲太后豈有無子而稱太后者
宣德間有故事賢色變目時時曰今日事與宣德間不同
胡后表讓位退居別宮故在正統初不加尊今名分固在
安得爲比中官曰如是何不草讓表時曰先帝存日未嘗
行今誰敢草若人臣阿意順從是萬世罪人也中官厲聲
恍以危語時拱手向天曰太祖太宗神靈在上孰敢有二
心錢皇后無子何所規利而爲之爭臣義不忍默者欲全
主上聖德耳若推大孝之心則兩宮並尊爲宜賢亦極言
之議遂定及將上寶冊時曰兩宮同稱則無別錢太后宜
加兩字以便稱謂乃尊爲慈懿皇太后貴妃爲皇太后越
數日中官覃包至內閣曰上意固如是但迫於太后不敢

自主非二公力爭幾悞大事時閣臣陳文默無語聞包言甚愧禮成進吏部右侍郎兼學士同知經筵成化四年懿太后崩詔議山陵時及商輅劉定之言太后作配先帝正位中宮陛下尊爲太后詔示天下先帝全夫婦之倫陛下盡母子之愛於義俱得今梓宮當合葬裕陵主當祔廟此不易之禮比聞欲別卜葬地臣等實懷疑懼竊謂皇上所以遲疑者必以今皇太后萬壽後當與先帝同尊自嫌二后竝配非祖宗制考之於古漢文帝尊所生母薄太后而呂后仍祔長陵宋仁宗追尊生母李宸妃而劉后仍祔太廟今若陵廟之制稍有未合則有乖前美貽譏來葉於是諸大臣相繼言之帝猶重違太后意時偕朝臣伏文華

門泣請帝與太后皆感動始從時議 贊曰彭時商輅侃
侃守義盡忠獻納粹然一出於正其於慈懿典禮非所謂
善成君德者歟 姚夔傳慈懿太后崩中旨議別葬閣臣
持不可下廷議夔言太后配先帝二十餘年合葬升祔典
禮具在一有不慎違先帝心損母后之德他日有據禮議
改者如陛下孝德何疏三上又率羣臣伏文華門哭諫帝
爲固請周太后竟得如禮後孝宗見夔及彭時疏謂劉健
曰先朝大臣忠厚爲國乃如此

四庫全書總目附存目可齋雜記一卷明彭時撰詳敘周
錢二太后並尊及錢太后祔廟事往返曲折甚悉蓋平生
大節在此一事證以本傳一一相合知非詭詞以自炫

孫孟恕妻錢氏 李東陽贈淑人孫母錢氏墓誌銘戶部尙
書孫君志同之父之喪予嘗爲作銘及母錢氏喪銘弗及
備意有所待也越十有九年自述行狀二千言以請予讀
旣歎曰世所述先德有能詳且實如是者乎按錢氏出鎮
江丹徒祖忠諫戍湖廣始居安陸與孫同里閨父廣於素
庵翁雅厚遂許聘其子資政公孟恕逮事舅姑並致孝敬
體素弱始不習勞聞姑戒躬率婢使至窮日夜舅老病嗽
晨起須茗飲淑人每夙興製茗姑喜肉炙躬執炊爨暑必
近火自始嫁至垂老饗饋如一日親喪以舅姑在不敢過
哀私居縞素定省必易服從事公性嚴肅雖細事必稟而
後行有所怒則爲寬解家法不置乳母生五子六女皆自

抱負紉綴至得婦乃已素好潔祭饗器必自滌每澣絺葛
立夏日中以手熨抑俾燥濕得所用不殄物衣雖久不垢
敝裁剪繒錦不遺餘質積至數千片轉合補葺五色間錯
粲然成文公弟妹七人處以和嫜不失辭色外睦兄姊孤
且貧者遇之尤厚以暨諸媼戚皆然鄰婦死無棺假以佳
木鄉黨患難亦周之以成公志公嘗謂曰吾婚嫁粗畢夫
婦當偕老脫我得多算則願分以益汝無相先後淑人少
公一歲後一年卒皆壽六十有一始封安人進宜人贈恭
人淑人至夫人而公亦加贈如志同官資政者尙書階也
戶部以郎中歸省而公喪在弘治甲寅歲踰年而夫人亦
卒是爲乙卯正月十有一日十有二月二十有九日合葬

雞籠山之墓異棺同槨乃戶部所親製以義起者蓋於是
寡遺憾焉五子者戶部名交以學行致通顯次弘胖求宜
胖宜早卒女一壻曰指揮僉事胡鎮孫七曰州學生文煥
曰亢曰文獻曰文奎曰京曰文某曰文采女孫四曾孫一
曾孫女二嗟夫女德不外見若戶部之孝且文能自紀述
則雖動容跬步之細皆身教也由是敘銘之欲以與父德
並傳顧不可哉銘曰有子如此無問其母以柔濟剛惟嚴
之輔惟德是似質固其有有潛弗彰澤故能久惟言在口
若書在手同堂合壙終獲其所我銘封君茲繼其後

明文在八

陳璋妻錢氏

明史孝義傳序姓氏宏治間仁和陳璋妻錢

氏

張子麟妻錢氏 同上橫州民女錢氏歸永淳張子麟時年

十八麟卒氏撫孤應斗孀居萬曆間御史董奏聞給銀建坊旌表

俞尙聲妻錢氏 同上奉化縣學俞尙聲妻錢氏夫亡守節六十餘年撫其子有科孫九文曾孫士坤俱有成立年九十餘卒

張羅彥妾錢氏 明史張羅俊傳弟羅彥妻趙二妾宋錢及晉師當圍急時並坐井傍以待賊入皆先羅彥投井死

張振德妻錢氏 明史張振德傳賊毀土城入振德命妻錢及二女持一劍坐後堂曰若輩死此吾死前堂妻女先伏

劍死乃命家人舉火火熾自剄一門死者十二人

錢淑賢 王猷定錢烈女墓誌揚州有死節而火葬於卞忠

貞祠南十五步爲鎮江錢烈女墓烈女死明弘光乙酉四月二十七日五日乃火以家於忠貞祠卽其地爲墓當其死告父無葬此土以尸投火父如其言南昌王猷定客揚州與里人談乙酉事輒爲詩文弔之歲丙申春其父乞余銘痛哭言曰吾老人無兒自吾女死而老人不欲生也城破督師史公率兵趨東門女決其必死已持刀欲自剄余挽其手積薪以焚余又奪去結纒絲絕纒又斷余皇急不知所出不得已乃予以藥曰汝姑視緩急也猷定爲之感泣時賓客聞者皆流涕又言曰嗚呼吾老人十年以來頭

童然禿且盡而視聽茫然而肝腸崩裂如沸如屠然每憶
吾女吞藥不得死吾老人不知生之可戀而死之可悲也
兵入以戈刺牀下數刺數抵其隙乃去不知女反匿牀下
藥發喘不絕余與老妻抱之痛強飲以水不死女泣謂余
曰兒必死無緩兒爲也兒受生養十六年父母又無男兒
不能與父母相養以生相待以老俾至於終身而今使父
母收我骨目不瞑矣父老祖宗之不血食家世江南當與
母勉圖歸計耳時注水庭中立起以頭投水水淺自項以
上不及頸余力持之起目瞪口瀉水如注是時雨甚門外
馬蹄踐血與泥聲濺濺比屋殺人焚廬火四起夜女以紙
漬水塞口鼻強余手閉其氣令絕余心慟手不能舉又解

衣帶強母縊之母倉皇走出聞足擊牀閣閣嗚呼死矣猷
定聞益悲忍不銘烈女名淑賢父爲鎮江錢公應式母卞
氏公善醫活人者眾女死後受兵挺刃數十不死兵縛公
欲殺以手格之皆仆地反得免卞時病甚亦受刃久之復
甦人以爲女之陰助云

補遺

錢鏗 孚 林 咸 讓 寶 睦

秀 廣 彌 璋 德興 叔齊 伯仁

肅之 道始 智昌 璫 元修 孝憬 師寶

仁訪 起 知進 元敬 徽 可復 方義

缺名 碩亶 沛 宙 寬 傳璟 元瑋

元弼 儀 惟演 昆 易 若水 熙

乙 明逸 自然 暉 景臻 忱 端禮

若洲 選 達

錢氏二女 尙鑑妻錢氏 唐吉會妻錢氏 李甯輔

妻錢氏 顧端妻錢氏

補遺

先大夫原稿國錄竭數月之力搜錄付梓業已過半嗣復於遺稿中續得數十條不及附麗爲入補遺一門以資參攷尙有數條但稱官階而無名字俟攷定再補男國錄附識

錢鏗

錢氏宗譜彭祖國師贊厥初肇封時惟彭城祖好恬

靜養神治生祖年雖高而容甚少采女聯翩往受諸要人亦有言壽考八百豈惟八百千萬及億人亦有言歷仕三代豈惟三代自唐在位流沙一去不知所之至今展像髣髴於斯大彭後人肅慎謹贊仁而壽吾不知吾祖之仁仙而壽吾不知吾祖之仙大道自然而祖得其全襲皇風之素朴抱一氣於先天於戲人惟知其壽之八百而不知其老而不沒者焉述而不作信而好古孔子大聖竊比於吾祖於戲可繪者像八百年閱世之容竊比者心千萬

載傳家之譜像邪祖邪誰其嗣之永而有邪九十二世孫
融堂拜撰

錢孚 錢氏宗譜周太師像贊江東大宰周室大臣後世揚
名勝前耀祖

錢林 西吳里語錢林建平中爲諫議大夫王莽專政遂隱
於長興陂門里其故宅在子山園林幽趣花石佳致層閣
背山高門臨水

錢咸 錢氏宗譜漢高密侯像贊粵稽哀侯克焯義烈延賞
沛渥清階世及入侍青宮寅清昕夕薄言表次出守高密
台尙綏和循聲四揭穎川京兆芳躅可攝越騎晉擢望崇
朝列言矚丰神英颯曄曄

錢讓

嘉靖長興縣志錢讓字德高咸之孫順帝永和元年

舉孝廉屢遷散騎常侍廣陵太守征東大將軍都督九江
諸軍事徐兗二州刺史封富春公食邑五千戶卒謚曰哀
錢氏宗譜漢富春侯像贊下邳七葉再生偉人重瞳美髯
雄邁絕倫察舉孝廉宰邑稱循代守聲寃批鱗紫宸斧鉞
當前義在必伸領郡廣陵兼督諸軍草薤禽獮靖厥妖氛
建侯錫謚烈哉富春 又文武雄才韜謀大志肅清江海
朝野綱紀永保人民鎮東國柱

錢寶

吳前將軍大司馬像贊維山有楠清廟藉之維國有

才賢主倚之嗟哉司馬抱傑懷奇恢恢韜略展以濟時受
知丹旻啟沃爾資都尉將軍竟典樞機雜類滿月龍髯鳳

姿宏度雄風宛焉鑒茲

錢氏宗譜

錢睦

錢氏宗譜吳東郡太守像贊外赫丰儀內巉才穎邃

討冥搜益充厥蘊纘我世勳乘時矯奮五官黃門梯宏階
峻載令潯陽鋤強植困行能異等俄典東郡良二千石不
殞厥聞奕葉休嘉於公彌珍

錢秀

吳太常卿像贊漢世三禮輯於二戴公寤寐茲博綜

紀載升以明經靖其匪懈曹郎累陟容臺特拜稽古定儀
用爲保泰秀雅其容冲恬其槩宛其邁矣德馨猶在碑出

卧龍流芳百代

同上

錢廣

晉永安侯像贊博雅之學凌厲之氣志在竹帛建節

萬里會舉孝廉尋領驍騎刺史江州都督軍計討逆誅僭

鼓以忠義石冰陳敏後先就殪績載旂常康侯嘉謚何以

徵之炳於晉史

同上

錢彌 晉潁甯侯像贊公當弱冠脫穎藝圃佐邑蜚聲僉推

佳簿累遷常侍舍香禁府一麾出守宛立之澣威先搏擊
巨滑胆破植吾善類殫力字撫爰晉輔國侯封百戶盛滿
不驕有恢其度

同上

錢瑋 晉安遠將軍像贊蒙莊任達老氏致虛公好宏博旁

徹其書官左常侍東朝曳裾旋由黃門別駕於徐甯靜仁
恕一方晏如閉閣卧理蓋公之餘交頌慈父赤子所須有
澤其容合浦玄珠

同上

錢德興 晉關內侯像贊繫關內侯識度瓌瑋寄輿臨池右

軍嗣美神遊元化鑒別象緯洞暢世務靡逃吾揆功曹主簿散騎參軍韋弦互當動以最聞膺贈上爵歿後揚芬有肅其範曠代若存同上

錢叔齊 天台縣志齊錢叔齊墓在縣南七里磚文云齊永

明六年歲戊辰葬

雍正浙江通志二百三十八

錢伯仁 梁臨川王像贊淳厚端和凜以節義宋舉孝廉薦歷常侍革命蕭梁義不再仕柳惲推轂公侯世裔蒲輪元纁徵辟屢至等之弁髦何有一刺秀毓外孫霸先稱帝追

王臨川令聞勿替同上

錢肅之 梁給事公像贊方頤秀鬣清暎眉目望之顛印卽之和穆警彼尺璧溫溢於璞維梁新造詎老邱壑鴻漸鶴

舉刷翅寥廓常侍散騎給事文學玉勒瑀戈鸞坡鳳閣基
社召昌厥積匪薄上同

錢道始 梁開國公像贊學已宏博氣尤魁岸國體通達機
務諳練領江州牧威懷互見初審侯景再誣僧辨杜龕授
首嗣徽革面會陳代梁厚膺帝眷懿威元勳哀然鼎鉉胙
土易名忠蓋用勸上同

錢智昌 陳綏安侯像贊父爵開國子利建侯佐父殲賊厥
有壯猷武皇倚注不靳崇褒尋握銓衡載參國謀兼其樞
密帷幄運籌豈不有耀倏焉卽幽歿後異數忠亮足酬勃
勃生氣遺容在眸上同

錢瓌 開府公像贊蚤通六籍蔚起詞藻孱然藐孤事母克

孝本部法曹褒德有詔曾以五等奚啻津要旋棄浮榮炳
霞高蹈優游隋季葆真海嶠恩飫賤饑義宣除暴三朝遞
遷一節自効同上

錢元修 揚威將軍像贊典墳貫穿兔園自命獵異老莊太
玄考訂筮仕邑尉藩牧交聘比試經術文學飭政首貢氏
籍魁厥鉅姓佐郡討叛吳興底定羣將高平循良其政威
額憂時有懷耿耿同上

錢孝憬 茅山公像贊射穿七札書精八體藝苑騷壇軒軒
自喜十辟三徵了不屑意石鏡盤桓茗溪徙倚弔古崎嶇
尋眞靈秘茅峰之陽萃厥風氣大啟爾宇爲神孫地登崖
頌蹟薄言揚厲同上

錢師寶

唐遜璞先生像贊惠子據梧師曠枝策良有深意

匪以疲息先哲至行我惟其則聖門高節我惟其式承歡
之暇託志載籍名教可樂焉用徵辟肥遜自全作德心逸
大臺而仙得之真適同上

錢仁昉

唐長城公像贊端秀丰儀宏深識量孝廉應舉官

僚養望縮章赤縣哀然治狀廣乃卵翼蔀屋春盎化溢弦
歌熙熙禮讓去則見思謳吟悲愴棲壑藏真荷鋤給養雅
操清修素風貞亮同上

錢起

四庫書目二南密旨一卷舊本題唐賈島撰以錢起

好風能自至明月不須期句爲小雅竹憐新雨後山愛夕
陽時句爲南宗此殆僞本一百九十二

郎官石柱題名有司勳員外郎錢起祠部員外郎錢起

錢知進 郎官石柱題名有吏部員外郎錢知進司封員外

郎錢知進

錢元敬 郎官石柱題名有倉部員外郎錢元敬度支郎中

錢元敬

錢徽 郎官石柱題名有度支郎中錢徽祠部員外郎錢徽

錢可復 郎官石柱題名有祠部員外郎錢可復

錢方義 郎官石柱題名有考功員外郎錢方義

錢口 郎官石柱題名有司封郎中錢

一字名

錢碩亶 唐司空公像贊水姿瑩徹霞標逸秀象緯堪輿靡

所不究相彼在鏡盤紆巒岫馬銘烏升龍蹲虎驟地靈人

傑計屬厥後志附幽潛忘情名竇清風所馳素交輻湊好

行其德益綿啟佑

錢氏宗譜

錢沛 洪勝王像贊天挺命世王發其祥宏深雄秀彪炳鸞

翔墨池筆塚史苑詞場用飭吏治登邑阜康譚經垂裕邈

系承芳迄今墨妙家藏琳琅吳越啟宇基命始彰追王廟

食千秋永光後學程顥拜題

同上

錢宙 建初王像贊顯允建初有嚴珪組英表朗衷景星如

覩便便腹笥五車四庫蓄極而施雅音獨步桓桓武肅王

為之祖開我帶礪貽之神武存受國養歆廟俎鳳篆龍

綸鴻號千古眉山蘇軾拜題

同上

錢寬 英顯王像贊茗水龍潛階於貽穀雅量幽致超然塵

俗義薄雲霄德滋鄉曲許瓢陶柳蔣徑鄭谷胎顯於晦冥
飛鴻鵠化家爲國竟成武肅千乘侍養九錫推轂載瞻垂
旒温如璞玉眉山蘇軾拜題同上

錢傳璟 嘉靖浙江通志湖州府治梁檢校少保錢傳璟重
作廳事

梁末帝授錢傳璟檢校尚書右僕射駙馬都尉詔曰卿功
高鼎鉉爵極土茅光記年繫月之書等巢閣負圖之瑞朕
自維寡薄猥荷洪基迴維舊勳敢墜先志所以再謀選尙
用結姻親况卿男傳璟學禮聞詩資忠履孝前代則何郎
風貌克著嘉名近朝則郭令崇功爰推愛子旣臻具美用
降明恩俾升右揆之榮兼正九卿之秩奉車增貴鳴玉趨

朝騁騏驎之修途契鳳凰之古兆眷注之外慰沃良深今
授傳璟檢校尚書右僕射守司農卿駙馬都尉專遣弓箭
庫使安崇阮往彼賜傳璟官誥勅牒國禮等故茲詔示想
宜知悉貞明四年八月三日

錢氏宗譜一

錢元璪 宋宣議公像贊卽其容知其有活民之功考其行
知其有惠民之政此先達之可尊而典刑之尙存也有開

厥家有淑其鄉斯德之光斯後之昌廬陵歐陽玄題

同上

錢元弼 嘉興侯像贊奕奕英姿武肅之允孝友克恭文穆
是順乃命海邦雄藩東鎮酒誥梓材承訓維慎威武禦戎
寇氛弭釁惠愛黔首閭閻徧潤召父杜母謳聲遠振澤被
嘉禾世思忠蓋東萊呂祖謙題

同上

錢儀 宋彭城郡開國公像贊學貫古今名馳朝野乃武乃

文能篆能楷三峽詞源千里一瀉宋理宗御題贊

同上

錢惟演 武林梵志錢氏園在照慶寺側菩提院宋錢惟演

園也

周必大玉堂雜記上錢文僖公惟演金坡遺事云舊規學
士六人遇聖節共率百二十緡寺中設齋今送五十千與

樞密使同開道場前一日赴宴

錢氏宗譜二侍中文僖錢公傳公諱惟演字希聖幼有俊
才忠懿王嘗使賦遠山詩有高爲天一柱秀作海三峰之
句咸平中獻其所爲文拜太僕寺卿擢知制誥翰林學士
拜樞密副使加尙書右丞轉工部尙書進兵部樞密院使

大宜節度使知河南請覲加平章事判許州改鎮武勝又徙秦甯上籍入侍祀爲景靈宮使判河南改鎮崇信卒贈侍中公少富貴能志於學有文章與楊億劉子儀齊名嘗曰學士備顧問不可不該博故其家集書侔於秘府又多藏古書畫在館閣與修冊府元龜凡千篇詔楊億分爲之所著有典懿集樞庭擢髦前後集伊川漢上集金坡遺事錄飛白書敘錄逢辰錄奉藩書事諡文僖紹興二十一年正月望日龍圖閣學士鹽官張九成撰

宋英國文僖公像贊世家淵懿儀禮職詞史才翰學冠絕當時退修祖德盛世稱奇希賢德範士類仰之弋陽陳康伯題并書 又盡職臺諫天植其材主備邊方智謀雄才

翰林學士真德秀題 又嗚呼文僖派演忠懿海峰天柱

惟詩之奇楊筋劉骨惟名之齊位居樞密功蓋當時聿修
慶系宗譜惟輝聿續繪像式贊以詞絲絲遺澤千古孝思

二十世孫冕拜贊上同

錢昆 宋海陵侯裕之公像贊偉才碩望絕俗精標胸懷圭

璧珠璣揮毫書翰奕奕德業其昭天生英哲文士之翹鄱

陽洪邁拜題上同

錢易 宋大學士希白公像贊儒林儀表國家棟梁風雲翰

墨錦繡文章駕長虹於寥廓吹鳴鳳於高岡鶴山魏了翁

題上同

婺源汪應宸撰希白錢公傳公諱易字希白年十七舉進

士御試三題日中而就言者以其輕俊而黜之太宗語蘇
易簡曰朕恨不與李白同時易簡曰有錢易李白才也再
舉進士甲科爲光祿寺丞通判彰州上疏乞除非法之刑
曰古之肉刑尙以爲虐而絕之近代非法之刑乃或支解
鬻割鉤背烙筋身見白骨而口眼猶動四體分落呻痛未
息臣愚以爲非法之刑非所以助治也臣爲一人愛民民
亦愛之人旣愛其上則奉上而懼苟以嚴刑董戒則懼未
至而怨已深乞禁非法之刑止從絞斬舉賢良方正科除
秘書丞通判信州擢知制誥遷翰林院學士時惟演公以
鈞衡之命乃以公當制世稱弟拜相兄草麻世以爲榮公
俊逸過人爲文數千百言頃刻而就又善草書文集一百

六十卷青雲總錄一百卷洞微志十卷子彥遠明逸

同上

錢若水

洪遵翰苑羣書載學士年表淳化四年錢若水五

月以屯田員外郎知制誥爲職方員外郎拜至道元年正月除同知樞密院

又載宋禁林讌會集載右正言知制

誥錢若水詩一夜春風滿帝都禁林春曉寄簪裾玉堂乍

到驚凡目金鎖徐開見御書

承旨學士嚴以肩鑰鎖御書於玉堂之上

四字驪

龍爭天矯兩篇瓊樹鬪扶疏詞臣此會人應羨聖主多才古不如日上花磚簾捲後柳遮鈴索雨晴初閣前吟罷先

沈醉忘却西垣有直廬

周必大玉堂雜記上本朝淳化五年十月上賦詩一首令

待詔吳郢齎以示學士張洎錢若水

錢熙 娛書堂詩話錢熙泉南才士曾作四夷來王賦獻太宗愛其才又嘗撰三酌酸文世稱精絕後亦不達而故鄉人李慶孫以詩弔之曰四夷妙賦無人繼三酌酸文舉世傳

輿地紀勝三十二贛州呂造錢司諫熙文序云雍熙榜甲科中第授南康郡幕客郡號雄藩珠履增得賢之美公有代書寄集賢李昌武學士大庾山橫贛水清南飛一雁久離羣蓮花幕裏誰知我竹葉樽前獨憶君

錢乙 四庫存目醫家類薛氏醫案七十八卷明薛己撰是書凡六十種其訂定舊文附以己說者爲錢乙小兒真訣四卷

錢明逸 王珪華陽集十五賜端明殿學士禮部侍郎錢明

逸轉官謝恩進馬詔

錢自然 蘇軾乞椿管錢氏地利房錢修表忠觀及墳廟狀

元祐六年二月二十八日龍圖閣學士左朝奉郎知杭州
蘇軾狀奏檢准熙甯十年十月十一日中書劄子節文資
政殿大學士右諫議大夫知杭州趙抃奏伏見故吳越國
王錢氏有墳廟在本州界欲乞兩縣應管錢氏諸墳廟每
縣選委僧道一名專切主管內錢塘縣界文穆王元瓘等
二十六處墳廟勘會當州天慶觀道正通教大師錢自然
本錢氏直下子孫欲令錢自然永遠住持并臨安縣界武
肅王鏐等廟墳一十一處今召到本縣淨土寺賜紫僧道

微乞依錢自然例主管又勘會得文穆王元瓘墳廟并忠
獻王仁佐墳並在龍山界其側有香火妙因院本錢氏建
造先是道正錢自然權令徒弟道士在彼看守欲望改賜
觀額令錢自然已下徒弟永遠住持漸次脩葺兼得就便
照管墳廟不致荒廢奏勅依奏其錢塘妙因院特改賜名
表忠觀爲額并臨安淨土寺令尙書祠部每遇同天節各
特旨披剃童行一名又准元豐五年三月十八日中書劄
子節文皇城慶州防禦使錢暉等奏臣等先臣祠廟在杭
越二州者五所墳廟在錢塘臨安兩縣者六十餘處獨臨
安有田園房廊歲收一千三百四十貫有奇太平興國已
後寄納本縣至大中祥符間本處申明蒙朝旨令杭州樓

店務於軍資庫作臣家錢寄納日後不曾請領近歲先臣
祠廟例皆摧塌私家無力脩葺前項寄納錢數雖多切緣
年歲深遠不敢更乞支給今只乞降指揮下杭州許將臨
安縣舊田園房廊撥還臣家庶收歲課漸次完補墳廟謹
錄奏聞伏候勅旨右奉聖旨宜令杭州每年特支錢五百
貫與表忠觀置簿拘管只得修葺墳廟不得別將支用劄
付杭州准此者臣檢會熙甯十年七月二十六日據管內
道正錢自然狀乞將臨安縣祖先置到產業每年收掠賃
錢一千三百五十四貫脩葺諸處墳廟此時差官檢計到
錢塘臨安縣所管錢氏墳廟委是造來年深木植朽損共
合用工料價錢一萬二千八百九十貫九百九十九文及

臨安縣勘會到管納錢氏歸官房廊田產等賃錢年納一千三百五十四貫三百四十文省送納軍資庫尋係本州申乞將臨安縣管催上件賃錢支撥脩葺約計九年方得完備直至元豐五年內因皇城使錢暉等奏乞方准當年三月十八日中書劄子奉聖旨每年特支錢五百貫與表忠觀修葺墳廟不得別將支用自後至元祐五年雖支得四千五百觀省蓋爲廟宇舊屋間架元造廣大一百餘年不曾脩治例皆損塌須將一起脩葺稍可完補若每年只支得五百貫雖逐旋脩得大段倒塌損去處又爲連接屋宇數多隨手損塌自熙甯十年檢計止今又一十四年尋於去年再差官重行檢計到兩縣墳廟已脩再損未及脩屋

宇神像等共合用工料價錢內臨安縣四千三百五十八貫一百四十四文省錢塘縣一萬二千五百二十貫五百九十一文省兩縣共合用工料價錢計一萬六千八百七十八貫七百三十五文省須至奏陳者右臣竊惟錢氏之忠著於甲令朝野共知不待臣言而墳廟荒毀行路嗟傷就使朝廷特賜錢物爲之脩完猶不爲過而況本家自有地利房錢可以支用豈忍利此毫末歸之有司恭惟神宗皇帝深念錢氏之忠特改妙因院賜名表忠觀仍使其裔孫道士錢自然住持而有司不能推明聖意奏乞盡數撥還地利房錢以助脩完經今十四年表忠觀旣未成就而諸處墳廟依前荒毀使先帝表顯忠臣之意徒爲空言臣

愚欲聖慈特許每年臨安縣所收地利房錢一千三百五十四貫三百四十文省令表忠觀每遇脩本觀及杭越州諸墳卽具所脩名件及合用錢數赴州詣領仍候脩造了差官檢討具委無大破詳明申州所貴事體稍正毋使小民竊議謹錄奏聞伏候勅旨

表忠觀碑臣願以龍山廢佛祠曰妙因院者爲觀使錢氏之孫爲道士曰自然者居之凡墳廟之在錢塘者以付自然

錢暉 見上

錢景臻 宋駙馬都尉公像贊內德溫純外容莊重爲我門楣作我梁棟幼學壯行明體適用宋理宗御題贊 又國

戚元老善世英豪淹貫羣籍精明六韜宣威萬里糾察百僚追王廟食世應寵褒澹庵居士胡銓題 又其德雍雍春林羣虫其姿矯矯丹崖孤鳳如淵斯深如山斯重式續式承是培是壅幼學壯行明體適用王家門楣國家梁棟富而不驕貴而不縱矩矱循循千載是頌十五世孫翱拜

贊錢氏宗譜

錢忱 宋少師榮國公像贊清操天植雅度性生澤民格主朝野蜚聲賢哉令子無忝父德輝映後先譽望赫奕鶴山魏了翁題 又龍躍鳳鳴經緯邦國惟孝惟忠其人如玉東萊呂祖謙題同上

錢端禮

宋祁國公忠肅像贊經濟之才宏博之學識見之

高制行之確誠一代之偉人乃萬世之先覺宋理宗御題
贊 又勤勞王家謹帥其屬爲下爲民爲上爲德以統六
師以平邦國以居四方以倡九牧寅亮天地左右厥辟懋
哉懋哉有典有則紀於太常厥有成績玄孫澡拜贊同

錢若洲 陽春白雪五錢若洲孫有踏莎行一闕

錢選 東山雜記靈芝寺舊有碧鳳堂成化癸卯嘉禾姚公
公綬嘗寓其中公綬辭官最早以山水翰墨爲娛嘗得錢
舜舉山居圖卷後有張貞居兩仇山村遠顧玉山阿瑛鄭
明德元祐楚石釋梵琦諸名勝題跋奇愛之行笈必携以
自隨

錢達 鮪綺亭集三十七宋搨石鼓文跋天一閣有石鼓文

乃北宋本彭城錢逵以薛氏釋音附之錢氏篆文甚工其
後歸於松雪王孫明中葉歸於吾鄉豐吏部已而歸范氏
卷三十八石鼓文音碑跋予嘗見北宋搨本有彭城錢逵
釋文祇據薛尙功一家錢氏自以未能盡其同異爲恨

錢氏二女 蕭智漢歷代名賢列女氏姓譜錢氏二女嘉興
人錢子順之二妹也元至正末紅巾賊至其家二女義不
受辱乃相與結裙裾投河而死賊驚奔去其後子順妻俞
氏亦守節得旌鄉人稱其家二貞一節云

尙鑑妻錢氏 同上錢氏河南衛人尙鑑妻鑑卒二子在襁
褁錢自撫育孀居五十餘載嘉靖三十一年有司以事聞

詔旌其門

唐吉會妻錢氏 同上錢氏湘潭人唐吉會妻也張獻忠之亂吉會爲賊所執將刃之錢在山中急出賊縱其夫欲汚之錢大罵賊怒殺之

李甯輔妻錢氏 同上錢氏汝州人李甯輔妻夫卒氏苦節終身

顧端妻錢氏 同上武肅王裔孫女錢氏適儒士顧端質樸徑情憂樂不入於心壽百有四歲卒有司旌之外間有百歲坊

光緒初年先大夫爲桂陽夏菽軒中丞編訂夏氏考古錄因而搜及錢氏閱數年夏錄刊行錢錄亦哀然成帙矣然以搜羅未盡隨時輯錄復得數十百條其中有名字可稽年代可考並名姓相同而前後確爲兩人者國鑠猥以意略分先後惟是各家集中倡和之作以及詩話題跋或僅舉其官或僅稱其字倘不加詳考名與字分爲兩人如修元史者誤一人爲兩傳則欲揚先集之光者反貽先集之累不幾爲大雅君子所竊笑乎僻處里門無從商訂今年移稿就正於上海姚君子讓子讓者余昔肄業龍門書院同學友也博通經史於書無所不窺客臘曾以吳越雜事詩錄丐其作序並爲正其體例益歎其讀書之精問學之博明年擬續刊歷代名人

生卒錄亦 先大夫著述之僅存者當再與姚君悉心校

訂以求是正焉民國三年歲在丙辰三月 男國鏞 謹識

此書之與于國鏞者皆先大夫著述之僅存者當再與姚君悉心校訂以求是正焉民國三年歲在丙辰三月 男國鏞 謹識